

失戒眾患本，惡趣亦貧困。

持戒三善本：增上決定勝；為他淨尸羅，則入於大乘。

受持淨戒者，如護於浮囊。不輕於毀犯，持犯俱不著。

攝護於眾生，菩薩修忍度。耐怨安受苦，及諦察法忍。

瞋他有何益？自他增憂苦。瞋火燒善根，忍則五德具。

施戒及安忍，多為在家說。廣聚福資糧，是佛色身因。

佛說精進度，福智之資糧。無厭心如海，力盡而不止。

推延著世樂，自輕心怯弱。

滿果亦難行，久處於生死，資糧廣無邊，練心勿退屈！

怯弱下劣者，希求易行道。佛有勝方便，攝護於初心。